

**Disputatio inauguralis medica, de cataractae nova pathologia, von dem
weisen oder grauen Stahr ... / [Johann Heinrich Meinel].**

Contributors

Meinel, Johann Heinrich, 1687-
Jacobi, Ludwig Friedrich, -1715.
Universität Erfurt.

Publication/Creation

Erffordiae : Typis Groschianis, [1708]

Persistent URL

<https://wellcomecollection.org/works/s366b3tw>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

I N. J.
DISPUTATIO INAUGURALIS MEDICA,

D E

CATARACTÆ NOVA PATHOLOGIA,

BONDEM WEISEN ODER GRAUEN STAHR.

Quam

DEO BENEVOLENTE,

RECTORE HUJUS UNIVERSITATIS MAGNIFICENTISSIMO,

REVERENDISSIMO ET ILLUSTRISSIMO DOMINO,

DOMINO

PHILIPPO WILHELMO, S.R.I. COMITE de BOINEBURG,

SACRÆ CÆSAREÆ MAJESTATIS CONSILIARIO INTIMO &
CAMERARIO, nec non METROPOLITANARUM ECCLE-

SIARUM MOGUNTINÆ & TREVIRENSIS CA-

NONICO CAPITULARI SENIORE,

EMINENTISSIMI PRINCIPIS ELECTORIS MOGUNTINI CON-
SILIARIO INTIMO, ac CIVITATIS TERRITORII que
ERFURTENSIS PRO-PRINCIPE &c. &c.

DOMINO NOSTRO GRATIOSISSIMO,

JUSSU FACULTATIS MEDICÆ AMPLISSIMÆ,

Sub P R A E S I D I O

D. LUDOVICI FRIDERICI JACOBI,

Archiatri Electoris Moguntini, Professoris Chym: Æstumatis-
simi & Facult. Medicæ Assessoris Ordinarij

Gravissimi, &c.

*DN. PATRONI & PROMOTORIS sui omni observantiae
cultu prosequendi,*

PRO LICENTIA

Summos in ARTE MEDICA HONORES JURA &
PRIVILEGIA legitimè capessendi,

Publicæ Eruditorum Disquisitioni proponit

JOHANNES HEINRICUS MEINELIUS, Baruthò Francus,

Ad diem 13. Octobr. horis 6 loco consuetis

ANNO M. D. CC. LIX.

ERFFORDIÆ, Typis Groschianis, Acad. Typogr.

58700 (13)





Proœmium.

Culorum, si evolvimus, fabricam miraculo plenam deprehendimus: nempe talem, quæ Conditoris Supremi sapientiam & jubar præ reliquis corporis membris abunde ostendit, ut etiam fere nullum suppeditet nomen; quo hi exprimi rite possint. Lingua hæret, nullus orator, mechanicus artifex assequi satis valet, nisi in Divini Numinis Sapientia acquiescat. Quis enim nescit, quam necessarius ad bene esse hominis sani oculus sit, ut etiam, in rite obeundis actionibus quam plurimis, homo illo carere haud posse: Et sicuti visus in actione sua maxime mirabilis, ita & organon ipsius superat orationem admirationem. Tot enim partibus, tanta industria instructum est, ut nesciamus, an non cum Plotino & Synesio NATURAM MAGNAM appellare hoc organon cogamur. Cum & Ægypti, oculum ut Solem adoraverunt, & DEI invisibilis visibilem filium appellarerunt; Nam duo oculi microcosmi Lumina & veluti fulgentia sidera dignitate & usu Soli non cedunt. si Sol radiis suis universum mundum collustrat, nihil inde voluptatis, nihil commodi accipit, Oculi autem, dum omnium visibilium simulacra animo repræsentant, cum his oblectantur, objectorum formam, magnitudinem distantiam percipiunt, quod nulli alii sensorio verè concessum est; Hinc ab Orphæo dicti fuere fenestræ animi, (nam

oculi sunt animi, indices uti vultus est animi imago). in
in oculis animum habitare, dicendum erit, & per oculo
veluti per fenestras ad animum usque penetratur, u
quidam præclare dixerit; Illos animæ speculum esse. M
runtur enim oculi, adamant, concupiscunt, amoris, ira
furoris, misericordiae, ultionis, sunt indices. In audaci
prosiliunt, in Reverentia subsident, in Amore blandiun
tur, in odio efferantur, gaudente animo hilares subridem
codem mœrente languescunt, animo, ira flagrante, ex
asperantur, in cogitatione & cura conquiescunt, quasi cur
mente simul intenti; Unde ex vario & multiformi con
titu nuncupantur torvi, truces, flagrantes, graves
transversi, limi, blandi: siquidem animi affectus ita ex
primunt, ut quasi alter animus esse & animum ipsum attri
gere videantur: Hinc Authores à januâ vix aberrasse, ar
bitramur, qui animam in oculis locarunt, oculum vocan
tes organon lucidum, solarem animalis particulam, divi
num membrum, cuius gratia & cerebrum fuerit ex
structum: sed quid dicimus cerebrum! Totius homin
gratia adsunt, ut hujus status tam naturalis quam pra
ter naturalis inde cognoscatur; Nam secundum Hippocra
tem ut valent oculi, ita & totus Homo, & secundum ver
sum vulgarem: Est oculus testis, quales intrinsecus esti.
Hinc non mirum, quod & in foro medico ex ipsis oculi
varia deponuntur signa tam Diagnostica de statu homi
nis praesenti, tam naturali, quam praeter naturali, quam
Prognostica; Medicus enim ex aspectu oculorum saepissim
optimam Prognosin instituere aegrique reconvalcentiam
aut ipsam mortem prædicere valet, quo ipso sibi saeppe apu
aegrotos & adstantes laudem & gloriam conciliare potest.
Et sicuti hoc Organon aliis sensoriis dignitate non cedit
ita & hujus non infimus est usus nempe visus, qu
inter

inter alios sensus omnium philosophantium judicio facite principatum tenet. Quo autem nobilior præ aliis tam oculi quam visus deprædicetur usus, eo minus uterq; labe varia immunitis est, siquidem diversimode pluribus afficitur morbis, quorum non minimus erit affectus Cataracta dictus, quam pro renata pertractandam & considerandam ad manus sumimus. Fiat autem hoc in Dissertatione hacce Inaugurali; ubi præprimis id nobis agendum esse arbitramur, demonstrare, ex qua causa hæc sit orta, & status morbi diverse obvius dignoscatur indeque curandi methodus subjungatur. Interim DEUM Ter Optimum Maximum supplices nos præcamur ut tales nostros conatis sua immensa bonitate velit benedicere.

§. I.

Ulm secundum Socratem nominis consideratio, sit initium doctrinæ: Hinc & nos Cataractæ naturam & hujus curandi methodum indagaturi, non inutile fore, arbitramur, pauca, ad accuratorem hujus nominis contemplationem facientia, prælibare; dum huc usque in Foro Medico talis in conscribendis Dissertationibus observatus fuit ordo, & plurima morborum nomina, quæ Græcorum prosapiam sapere solent, Latini Medici retinuere, sive idiomate suo, vel plane non vel difficulter & non nisi per ambages explicanda, sive in sapientiæ græcæ perpetuum monumentum, inter quæ etiam cataractæ nomenclatura referenda.

§. II.

Appellatio itaque Cataractæ est deducta à verbo Græco καταράττειν, quod significat, impetuose perturbare, aut secundum alios καταράσσειν i.e. cum strepitu decidere, quasi hic affectu soculorum cum impetu quodam accidat,

ac perturbatus humor oculi aqueus ab alio deciduo liquore adsit, quæ denominatio ab Antiquis desumpta videtur à quadam Analogia nonnullarum rerum & nostri affectus, quæ ab alto cum impetu ruunt, præprimis ab avibus de prædatribus, ab alto imprædam ruentibns: Aut fluviis à cacumine montium cum insigni aquarum streitu præcipitantibus: Aut nubibus largos nimbos cum impetu profundentibus, quæ respariter tali Cataractæ nomine insignitæ prostant: Quæ ratio esse videtur, quod noster affectus Antiquis huc usque suffusio sit dictus: Num autem ita vocari debeat, patebit inferius. Melius autem Cataractæ nomen hanc analogiam, si quæ locum habeat, admittit cum foribus pendulis, occludentibus portas, & hostium introitum prohibentibus: Aut obice, ad colligendas & remorandas aquas, postmodum cum majori vi deciduas; id quod in Aggeribus fluviorum videre est, id est, impedimento modificante & divertente aquarum cursum; si quidem pariter aliquod impedimentum in nostro affectu sentitur, propter quod radij visivi aditum non habent, & pupilla occluditur pellicula quadam, quo minus visus fieri possit, & hanc ob causam Cataractæ nomen à veteribus obtinuit. Sufficiat nobis, modo nostri affectus nomenclatura penes Medicos sit usu recepta, & per Cataractam is sit explicatus, penes quos ut plurimum verba valent ut nummi.

§. III.

Præter hæc alia etiam hujus affectus usitata Synonyma hic tangere, integrum nobis esset: Cum autem hæc saltim gradualem habeant differentiam, aut plane locum nullum penes accuratiores, hunc pensantes, invèniant studio cum differentiis hujus omittimus atque properamus ad nostri affectus Definitionem Est autem Cataracta visus plus minus impeditus à tunica sive pellicula intra

spatium

spatium oculorum corneæ & humoris aquei tenuissimum per Spiritum oculorum insitum in actu assimilationis, humoris nutritij eodem delati, errantem, plus minus opaca & firma redditæ atque pronata, in initio cum comitantibus simulacris muscularum, filamentorum & in progressu telarum aranearum variis oriundus.

§. IV.

Priusquam autem traditam Definitionem ventilemus, è re esse, confidimus, nonnulla prius degustare de visu naturali: in quo rimando ob multorum Authorum dissensum non minima occurrit difficultas: præprioris cum ad hoc nondum sit evictum, num visus sola specierum opticarum in spiritu luminoso hærentium fiat receptione: vel an spiritus nostri visivi emissione in objecta hic peragatur, nam hucusque plurimi videndi actum in sola idearum opticarum receptione consistere opinantur, huncque eodem modo fieri ac in camera obscura, tantum ut anima de his ideis delatis in cerebro ferat judicium; an autem ab artificiali receptione ad naturalem vitalemque illa illatio valeat, inferius id evidenter demonstrandum. Alij vero sola radiorum visivorum ex oculis emissione, illustrante objecta, hunc actum videnti admittunt; cum autem de nocte in tenebris visus non observetur, etiamsi apertis oculis objecta aspiciantur, etiam cum intentione ad videndum summa: neque à nostro spiritu illustrata tunc temporis fiant objecta, ut in sensum venire possint: merito nos media incedere via jubet ratio, atque hunc actum videndi immanenter transeuntem statuere cogimur.

§. V.

Dicimus igitur, visum esse actum immanenter transeuntem, in quo nullo spatio interveniente agens & patiens sunt conjuncta: nam etsi agens semper sit in nostris

nostris oculis , tamen, si non patiens , nec conjuncti
adesse potest, nihilominus talis actus erit immanens, ne
sola tantum receptione fieri potest: nam opticum sensi
in sua figura , certa distantia & dimensione influere ha-
potest in oculum parvum', figura brevi & exigua ci-
cumscriptum , nec magnum punctum in parvo spat-
secundum suam realem & veram dimensionem, qua-
habent oculi , contineri & influere potest; insuper c-
spatium aliquod inseparabile ab ente impossibile est, ho-
in sua specifica dimensione posse repræsentari in ocul-
nam quævis objecta visiva in suis locis videmus & actu-
videndi non in nobis completur, non in cerebro sed e-
tra nos: utpote si aliquid secundum sua accidentia deb-
repræsentari, illud manere cogitur in suo loco: spatia eni-
affigunt accidentia subjectis & objectis: neque abstractis
actus videndi compleri potest, quia qualitas abstracta ne-
potest in foro physico concipi & repræsentari in ocul-
ergo nec receptione iste actus absolvitur, sed simul ra-
visivi spiritus insiti nostri debent ipsi deferri in objec-

S. VI.

Ex his itaque patet visum fieri per actum immanen-
ter transeuntem , i. e. non sola specierum opticarum r-
ceptione: verum & radiorum visivorum emissione in ob-
jecta , à quibus istæ ideæ opticæ sunt elapsæ & talis act-
us est spiritualis, qualis solennis in nostro corpore subinde o-
currat: nam spiritus noster in oculis certos inscopes in stu-
re potest, cuius tamen actus remanere & immanere solo
qui facile uberior probari potest appetitu , in quo spi-
tus egreditur è capite in ipsum stomachum , cuius e-
men actio immanens est in cerebro; Sic si dolet pe-
actio doloris est in capite, transiens vero in pede; Eode
modo actio immanens potest esse in oculo , transie-

aure

utem in objecto ; nam spiritus noster oculorum visivus
abet identicam rationem quandam cum spiritu lumino-
, siquidem non omne lumen videtur a nostro spiritu:
lumen enim de nocte non videmus ob inconvenien-
tiam hujus luminis cum nostro spiritu visivo : vident ca-
men hoc alia animalia , quorum oculorum spiritus cum
ali identitatem habet: Imo nostro spiritui visivo vitioso
ultim s̄epe tale lumen in conspectum venisse , testan-
tur variæ historiæ , ubi etiam in intempesta nocte omnia
minutissima videri à quibusdam potuerunt , & hæc est
ratio, cur in vitiosis oculis lumen diei, nonnunquam de
nocte lumen candelæ perterri non possit. Contingit autem
visus ita , species optica , quæ est qualitas in lumine hæ-
bens per opticos quoque humores & tunicas transiens
refracta, intensior reddita, tandem in tunica utea depicta
videm ob analogiam quandam cum spiritu nostro vi-
vivo intime conjunguntur , adeò ut spiritus hic cum lu-
mine modificato seu colorato quasi idem fiat & sub illa
identitate spiritus noster has species percipit: quamvis in
remotis & distantibus cum dimensione & situs distantia,
quæ partim de subjectis suis separabilia accidentia non
sunt, partim in oculis anguste circumscriptis locum ha-
bere possunt nullum.

§. VII.

Unde sensus opticus sentitur in cerebro, sensationis
actus per spiritus luminosi identitatem usque in objecto-
rum sensitivorum ^{scopoz} sese extendit, & est talis actus sensitivus
secundum sentiendi principium in nobis immanens: Se-
cundum autem species sensibiles per Spiritus Luminosos
connexas extra nos seu transiens : Nam Lumen opticum
mittit sese & unitissimam copulam cum spiritu nostro
optico agit , adeo ut noster spiritus per istius consocia-
tionem

sionem & confederatiōnem potentiam accipiat, non tam
in cerebro agendi & sentiendi, quam usque in illius mo-
tus, unde Spiritus Luminosus externus elapsus fuit, ex-
currendi. Quod autem talis actus fieri possit videndi,
probari potest, modo consulamus principium, judicium
& rationis consensum, quibus sentimus, species extra nos
esse positas, non cerebro circumscripas, unde imme-
diatus contactus inter spiritum nostrum visivum & spiri-
tum externum Luminosum, totam litem difficilem in actu
videndi ortam, removebit, imprimis cum noster spiritus
sensitivus saepe nesciat suos actus commensurare sensiti-
vos, uti videre est dolore pedis, qui, etiam amputato pe-
de, in illo loco, in quo is antea fuit, aehuc sentitur: Cujus
mentionem facit Taurij in sua Anatomia nov. pag. 279.

§. IX.

Quo autem talis actus videndi immanenter transi-
ens exacte peragi possit, requiruntur quoque præter i-
stam spirituum convenientiam & justam objecti & subje-
cti distantiam, oculorum justa structura quoad omnes &
singulas partes: imo patula data via, tam ad recipiendas
opticas species quam ad visivos radios in ipsa objecta
transeuntes; nec ullum impedimentum adesse debet sive
ab extra id sit positum aut adnatum aut intus geni-
tum, quale occurrit in nostra cataracta, in qua tale ve-
lamen seu impeditum adest, quod impedit, quo mi-
nus species opticæ intrare possint in oculum, sicque mu-
tua, spiritus visivi & externi φυλακία ad actum videndi
maxime necessaria, ori nequeat, multo minus spiritus
visivi transitus erit. Hinc prout tale velamen majus au-
minus tegit pupillam, prout quoque visus impeditus di-
versimode aderit, & haec est ratio, quod in initio Cata-
ractæ quatenus tale minimum est, nondumque coharet.

sec

sed frustilatim & subtilissime tangit pupillam, aut saltim cohærens est retiformis, prout videntur talia simulacra muscarū, pilorum & in augmento telarum aranearū in actu videndi occurrere, & prout plus minusve visus impeditus erit dicendus, quo usque tandem ob densitatem hujus pelliculae successu temporis factam majorem, totus actus videndi impeditus fiat. Hoc autem velamentum non est nudum coagulatum aliquod & facile dissipabile, sed consulto à natura errante pro spatijs indole intra corneam & aquosum liquorem fabricata & ultimo maxime firmata, ut etiam, si ad maturitatem perfectam pervenerit, difficulter acus cuspide in partes dividi valeat, atque operator in operatione sua cogatur, à superiori oculi, rarissime ibidem firmiter adhærente, integre deorsum difficulti quodam labore deprimere, si iterum visus exactè fieri debet, nam tale velamen revera est tunica seu pellicula prædicta in minimō spatiō formata.

§. IX.

Subjectum quidem Cataractæ generale & denominativum potest dici oculus, modo unus, modò geminus, organon visus admirandum: tamen primarium à nobis assignatur illud spatiū minimum inter cornēam tunicam oculi & humorem aqueum, qui etiam sine dubio semper suā tunicā subtilissimā propriā erit æquè inclusus, ac alii humores in oculo observabiles: aliās, quantum talis liquor est valdē mobilis, & præ aliis fluidior, si, in quovis motu oculi aut totius corporis, nulla tunica munitus, facilè turbaret visum: Insuper hic effueret per foramen acu inflictum, operatione facta: nec acus mota videri posset inter operandum, ni imperita operatio sit peracta, ubi, læsā tali tunica, humoris aquei suffusio ad cornēam conspicitur, & vix postea visus aut difficulter,

restituitur, aut planè non: qui tamen statim post operationem, nimis remotâ tunicâ, restitutus observatur: qualem operationem hic loci institutam non ita pridem mihi licuit videre; quæ etiam mihi ansam præbuit dissertationem hanc de hoc affectu conscribendi: hujus quoque tunicae subtilissimæ ^{auroræ} Excell. Præses in demortuo, Cataracta alias affecto, fuit tum suspensa manu & cultro admodum acuto, detecta tunica cornea, talis valde subtilis, aqueum liquorem includens, in conspectum veniebat, nilquæ liquoris aquæ post remotam corneam effluebat usque dum levicultri punctura hæc lœdabatur, ut hinc à non vidisse ad non esse, minimè statim valeat illatio: nam extant historiæ in gutta serena, nervum opticum non obstructum fuisse repertum, in quo tamen fere omnes guttæ sere ^{qæ} causam legunt, istius que subiectum habent.

S. X.

Sit igitur tunica seu pellicula intra spatiū tunicae corneaे liquorem aqueum includentis, plus minus matutinè facta, causa noctri affectus proxima & immediata sepe colorata, (nam cæteræ partes oculorum sunt integræ & salvæ) ex quâ præsente visus fit impedimentum hicque magis aut minus impeditus; hoc saltim in dagatu dignum esse, nobis videtur: à qua causa hæc sit pronata: hanc autem in nostra definitione Cataracta expresse posuimus, esse spiritum oculorum insitum in actu particularum nutritiarum intra prædictum spatiū superflue delatarum assūmulationis, hanc tunicam formando, errantem: Sed primò intuenti durius dictum forte videbitur, Spiritum insitum oculorum errori argue e velle ob hanc pelliculam generatam: Cum tamen nos per hunc spiritum, animam rationalem, nulli

par-

parti solitariè affixam, toti communem omnibusquè
præsentem salutem intelligamus, cui errorem im-
putare velle, nefas esset; si autem quis hujus opera in-
numera perlustrat attentius, is certè non unam hanc
culpandi causam inveniet. Non dicam jam multa de
actionibus mentis vulgò dictis, quos quæso, non errores
anima rationalis in ratiocinando committit in numeros,
de quibus abunde testantur delicia: non dicam de omni-
bus actionibus corporeis, quæ etiam ab hac omnes sunt
deducenda, quos non in his quoque committit errores;
videamus hominem formandum, in quo aliquando hæc
ipsa fine suè præfixò planè excidit, formando fœtum nec
homini, nec bruto animali similem, sed massam infor-
mem, monstrum molamque: non rarò partes anima de-
cepta producit, hasquè nutrit, vel ut fœtum genuinum,
à quo tamen si rite illum cognoscere posset, quam
maximè abhorreret: exemplo sunt nævi materni, ex-
crescentia, tumores, quæ non nisi errori animæ in actu
formationis & nutritionis deceptæ adscribenda; nec quis
putet, hanc nostram tunicam seu pelliculam intra spatiū
corneæ & aquei humoris erroneè pronatam esse solita-
riam, sed perpendat, quamplurimas similes deceptions
animæ in corpore obvientes, quæ commissi erroris ar-
gumentum esse possunt: imprimis si scrophulas, stru-
mas, melicerides & alias hujus farinæ tumores nobiscum
aspiciat: an non in illis inveniatur tale novum productum,
in quo materia vitiosa inclusa hæret, & nisi in curatione
talis tunica radicitus extirpetur, subsequuntur ulcera
ichore continuo manantia, difficulter aut nunquam
sanabilia: aut ipsa tunica de novo pronascitur, atq; hu-
morem vitiosum includendo, tumores hos constituit:
Sic Excell. Praeses refert exemplum hujus com-

missi animæ erroris in tunica quadam generata in
studioso vomicâ extincto & cultro anatomico in
multorum adstantium præsentia , à se dissecto , in
quo observabatur quædam tunica , quæ totum sinistrum
lobum pulmonis tegebat , qui non nisi eâ remotâ , venire
potuit in conspectum , cuius mentionem quoq; fecit in
quadam Dissertatione de Vomica . Et cur non paria fata
luctineat ipse oculus , cum externa tunica , bulbum oculi
velans , à natura errante producatur , quod malum unguis
oculi salutatur : proinde nec illi erranti difficile erit , talem
pelliculam intra spatum sæpius dictum generare , id quod
demonstratu facile est , siquidem hæc nonsolum non te-
merè est pronata , sed hujus texturæ specialissimâ expan-
sione exquisite in latum , minimè verò in profundum
determinata : & hæc ipsa Cataracta sæpè hæreditaria , &
connata est : exempla videri possunt in Encyclopædia
Chirurg. rat. p. 199. Dolæi & observ. part. 2. p. 633.
Horstij & Cent. 117. Observ. 61. Borelli , quæ à nulla cu-
juscunquè humoris affectione expectari possunt : licet de
la Charriere Nouilles operations de Chirurg C. 30. o-
mnem Cataractam esse connatam nullumque membrum
contra naturam generare ; sed rudimenta esse factam pri-
ma conformatio , & Cataractam non nisi ex pellicula
quadam præexistente fieri , putet : quod , quatenus est
contra experientiam , rejicimus : uti de Polypo narium Plica
Polonica videre est , ubi nullo vestigio observato , de novo
generantur , exstructa conservantur , de quibus videatur.
Barthol. Anat. Haffn. Med. Vol. V. observ. 29. Albini
Diss. de Polypo. Quod autem talis sæpè diversè colo-
rata tunica seu pellicula intra spatum corneæ & humoris
aquei pronata , obveniat , fieri putamus aut ab accessu hu-
moris nutritij per aqueos ductulos Nukianos eodem delati
pariter

pariter diverse colorati , aut stagnantis ex propriâ suâ propensione tales induentis colores , quo inde ejusmodi productum fiat , quales adsunt causæ materiales , uti de ictero , Cachexia videre est .

§. XI.

Hunc autem errorem concipiendi spiritui insito oculorum variæ causæ ansam possunt præbere uberrimam : imprimis si consideramus temperamentum phlegmaticum , in quo Cataracta præprimis observatur : quatenus turget materia nutritia maximè in omnibus partibus dulci atque superfluo , & per consequens in oculis optima ad assimilandum , quâ à spiritu insito oculorum cognitâ , hic arripit facilè ansam , tunicam seu pelliculam hanc generandi , & quidem primò trepidè , quatenus timet , hanc inde enatam , sibi fore in videndo nocuam : hinc ægrè talem texere incipit : cùm autem error hunc commissum cognoscit , intactam per aliquot tempus relinquit , tantum in statu quo conservat , non autem augmentat , usque dum major error indies committitur in repletione corporis , & inde copia majori eodem delati humoris nutritij per spiritum oculi hoc contextum , uberius in latum contexere incipit : imprimis quatenus illud minimum contextum continuo movendo , hunc magis turbat , ut nesciat à suo semel incepto desistere sed tunicam seu pelliculam pro spatio minimo expandit & sic pupillam totam tegit : Hinc inde in aumento hujus morbi visus contingit quasi per rete aut fumum aut nebulam , quam etiam firmorem cum tempore reddit & opacam , ut hâc ratione propemodum totus visus ac actus videndi sit impeditus : Interim per asvefactionem hanc conservat non aliter ac alias corporis partes & piaculum esse putat , & si potens , ipsam iterum anni

annihilare'; Nam si potens est anima, in formato foetu partem quandā ex nudo aspectu alicujus in alio absumptā partis sive capitis sive brachij aut pedis, subitō annihilare, cur non æquè habebit potentiam, hanc etiam tunicam in oculo pronatam dissipandi modo talis idea posuisset firmiter imprimi huic insito & deleri pristina, in hāc pelliculā instruendā & exstructā conservandā, quippe multò alia abominabilia semel asvefacta intracorpus latentia, conservat, quod in purulenta materia ~~anatomical~~ videre licet, quæ nonsolum à natura includitur tunica quādam novā, hæcque conservatur atque nutritur, ut etiam, si apostemate aperto illa unā vice efflueret, jactura vitæ immineret; siquidem confertim evacuatā tali materia animi deliquium & mors sāpē eveniunt. Imò ex crescentiæ variæ externæ demonstrant errabundum hunc spiritum, semel à sua conceptâ idea non desistentem, sed progredientem usq; dum finem intentum, in exstruendo & conservando obtinuerit.

§. XII.

Quantum valeant hunc Ω m. oculi infitum errabundum reddere sex res non naturales: imprimis animopathemata, tristitia & mœror indeque lachrymarum profusio, testantur variæ historiæ apud Hildan. Cent. IV Observ. 15, non dicam de aere frigido poros tunicae corneæ obstruente, quæ etiam permittit in naturali constitutione oculi subtilissimas superfluas particulas nutritias transudare: quibus impeditis, in illo quoque spatio, e quo pronascitur hæc pellicula, ansadatur, qua inde errabundus iste spiritus fiat, concludatque has esse mutandas in solidam substantiam huic spatio convenientem quod autem tales excretiones subtilissimarum particularum per tunicam corneam, etsi durissimam, fiant, evincent possunt ex pustulis in superficie externa hujus sāpius en-

quæ non nisi à restagnante quodam humore fieri possunt:
& hæc est ratio, quod Collyria actu & potentialiter fri-
gida applicata sæpe sapius causa occasionalis fuerit ipsius
Cataractæ. Sic Plethora ex eadem causa ansam non le-
vem dabit, ut anima oculi, quatenus decipiatur ab humor-
e nutritiō superfluo subsistente, inde hanc tunīcam
en pelliculam constituat: nam frequenter humor aliquis
stagnans ansam dat, ut anima falsum conceptum conci-
piat, & rem revera ita se habere sibi persuadeat ipsamq;
ideam conceptam in agendo sequatur; uti de vesicā
à repletâ constat, quæ in causa dormientibus est, ut
sommnient, se stare ad angulum & mingere, id quod etiam
sæpe contingit: tale quoquè insomnium excritur ex tur-
gescentia seminis in vesiculis seminalibus, ubi dormien-
tes se rem habere cum amasiā putant, & prout idea spe-
cifica semel à spiritu est formata, sic etiam in agendo
specifice sequitur: Hinc non mirum est, semel conceptâ
ideâ, hanc tunicam ex præsente nutritiâ materia tan-
quam causa occasionali fieri intra spatiū tunicæ cor-
nea & humoris aquei ab illo insito. Et quæ sunt
aliæ causæ quam plures occasioñales, quas omnes hic
recensere foret tædiosum nimisquè prolixum.

C. XIII.

Cum autem Cataracta variam ludat faciem & in hac
constituenda, certū tempus insitus oculi prærequirat,
non aliter ac alij morbi, obtinet enim principium augmen-
tum & statum: id quod Medico ad curandam Cataractam
scitu maxime necessarium est; quocunque enim modò
Cataracta sit comparata, ejus præsentia omni tempore
plus minus officiet visui: hinc cuiusvis temporis Cataractæ
igna lubet præmittere. Principium hujus se manifestat
simulacris muscarum, filamentorum ante oculos voli-

C

tan-

tantibus & quidem continuis inter videndum, quip
vaga hæc in Affectione hypochondriaca & hysteri
occurunt, quæ non nullis habentur Prodromi Cataractæ
Progressus autem hujus à visu ægri, quasi per telas arane
arum nebulas atque fumum facto, dijudicatur: ubi qu
idem pupilla pellucida obscurata aliquò modò subinc
exsplendescit, & palpebrarum frictione harumque sub
taneâ apertione, quâ pellicula in partes divisa & valo
mobilis aspicitur, tandem matura facta, in oculo fricta
immobilis manet atque sic totus visus impeditus ex
sistit: si enim splendor lucis adhuc adest, Cataracta noi
dum est apta, ut removeatur acu: insuper hoc ten
pore, quò sit Cataracta, etiam pupillæ diversus color ap
paret; quin etiam matura facta variat coloribus, de qu
bus quatenus visui sunt obvia, ulterius verba facere
opus non esse, arbitramur.

§. XIV.

Cognitis præsentis Cataractæ signis, ea quoque
nucleanda restant, quæ futurum statum prædicunt: na
quando pellicula primum quasi obtinet punctum & ja
nū in tenuissimam tunicam est redacta retis instar tenuissi
mi & inter videndum simulacra muscarum aut ipsarum
telarum aranearum incessanter occurront, pupilla qu
sub cornea tunica albida conspicitur, tunc affulget sp
restitutionis: quando autem paulo maturior facta il
pellicula, & saltim splendor luminis apparet, tunc diffi
cilis erit curatio, & expectandum ut plurimum, quo
que maturior sit reddit: tunc unicum auxilium erit
ponendum ipsa operatione manuali; quamquam & ali
ubi splendor adhuc luminis adest, potent, adhuc spei
convalescentiæ adesse, modo convenientia medicamen
adhibeantur, de quibus videantur Reusnerus, Cur.

Bibliothec. Velsch. 36. & Holler. de Morb. intern. Cent. 20.
mo Schenkius. Obs. LI. p. 151. Sufficit quod tunc tem-
poris talis Cataracta acu adhuc non sit tentanda: dividitur
enim facilè illa in diversas partes, ut impeditus videatur
magis visus, sed relinquenda usque ad maturitatem ma-
orem & tunc spes unicè collocanda est in operatione.
Quanquam & alij hanc inveteratam oculi ineptam de-
prædicent, cum tunica seu pellicula hæc ob duritiem non
nisi summâ violentiâ sit solvenda & difficulter aut planè
non se deprimi patiatur, aut ob glacialem formam de-
hiscens fiat; sic etiam ratione diversi coloris prognosis
ut instuatur, Medicus debet esse cautus: nam si albus
color & gryseus, apparet in oculo major, spes adeo recon-
valescentiæ, non ope quidem medicamentorum, sed a-
cūs, modo illa nec nimis cito nec nimis tardè admovea-
tur: carulea autem Cataracta flava, rubra, viridisque
non admittunt acum: imo licet alba & grysea videatur
& acu possit removeri, tamen si æger non bonæ consti-
tutionis, magnusque dolor capitis & oculorum, sternu-
ratio & vomitus adsunt, aut aliis morbis gravioribus si-
mul est affectus, operatio hæc interdicenda.

§. XV.

Perpensis iis, quæ ad Cataractæ historiam consideratu-
digna fuere, nunc quoque curationem hujus aggredi
placet exactè & paucis tradendam. Cum autem indi-
catio curativa his sit, ut spiritus oculi insitus in acte
assimilationis tunicae seu pelliculae plus minusve prona-
tæ errans revocetur, ne ulterius progrediendo ad statum
veniat, generandi hanc ipsam opacam & densam, vix aut
nunquam medicamentis delebilem; in hoc autem re-
vocando non sufficit, humorem ansam huic generatæ
præbentem superfluum sive hærentem ibidem, sive ad

hunc defluentem dissipare revellere & expellere , sed potius delere ideam conceptam & aliam huic imprimere , quo insurgat ad hanc tunicam plus minusve generatam dissipandam , alias obtinebit ille antiquum morem conservanda hac tunica , ad quam minimam partem nutrimenti requirit , quod ad conservationem totius oculi debet deferri ; quò autem idea nova illi imprimatur , terror injiciendus est defectu nutrimenti , nam sicuti humor ille superfluus illi insit decepit , ut ab illo prædicta tunica fuerit pronata , ita à defectu hujus terror iterum injiciendus , quo attonitus fiat , pristinique officii similem peregrinum id ab errore antea formatum iterum deleat . Utique scopus attingitur tam evacuantibus , dissipantibus , avertentibus , quam irradiativis & idealibus , medicamentis .

§. XVI.

Inter evacuantia varia referri possunt , nempe *purgantia* , quæ , quò sunt penetrantiora , eò melius defluens ad oculum nutritius humor avertitur , & defectus nutritienti ab illo magis sentitur ; inter hæc laudantur radix jalappæ , colocynthis , gummiguttæ , helleborus niger , & ex his præparata , quibus si conjunguntur Mercurius dulcis , regulus antimonii stellatus cum nonnullis guttulis olei cephalici aut aromatici , & inde formentur pillulæ , convenienti tempore adhibitæ , magnam operam nabant , ut nonsolum humorem defluentem ad ipsum oculum avertant sed & ideam imprimant vi irradiativâ , ut errans ille spiritus labem suam cognoscat , tunicamque præternaturalem deleat ; siquidem his solis punctum curationis Cataractæ in initio & progressu absolvi potest . Non leve emolumentum quoque dabunt pari jure ipsa *Vomitaria* , de quorum usu convenienti quidam hic dubitant .

bitant, hæc ex ratione: quia ab horum usu non tantum totum corpus concutitur, sed & illo Vomendi actu fortiorique diaphragmatis constrictione exortâ, descendens humor valdè comprimitur, compressione factâ sanguis ipse cum humore nutritio ditatus, concitatori motu pariter atque largiori quantitate ad caput fertur, quô de-latus faciem rubore suffundit, oculosque intumescere fa-cit, ita ut hi sæpè plurimum hinc patientur. Ast quia ex superioribus patet, Cataractam non fieri à tali affusio-ne humoris, ut perturbatus fiat liquor aqueus, & inde pronascatur Cataracta: proinde ex Vomitoriorum usu nulla noxa erit timenda, potius magnum emolumen-tum hinc redundabit in ipsos oculos, nam Vomitoria non solum talem defluentem humorum nutritium avertunt, sed & hærentem absuniunt, quo spiritus in oculo insitus ab hujus defectu sentiat terrorem & revocetur à suo errore, quo cognitò; insurgat ad tunicam iterum de-lendam, & pristinum officium præstet in oculo, in suo vigore conservandò, quô visus imposterum non impe-diatur; præsertim id fiet, si talia in usum vocentur, quæ vi irradiativâ pollent, inter quæ antimonialia & mercu-rialia, & alia metallica censemur, & sunt, præter tartarum e-meticum, mercurium vitæ, infusum croci metallorum aut vitri antimonij, ipsum tulphur antimonij auratum genuinum, Munkij emeticum (ex regulo Martis para-tum) & quod palmarium est Mercurius vitæ solaris aut lunaris, quibus plures possunt dealbari parietes, i. e. hu-mor nutritius tam in oculo, quam in aliis partibus & ex his defluens ad ipsos Cataractâ laborantes avertitur, spiri-tus insitus irradiatur, indeque, deleta ideâ peregrinâ, pristinam sequitur in exterminando peregrino producto indolem.

§. XVII.

De sudoriferis & diureticis abundè constat, quantum præstent in superfluis humoribus exterminandis: nam non solum hisce liquor in centro corporis hærens exterminatur, & à parte affectà avertitur, ut de aqua hydropticorum satis notum, sed & in ipsa peripheriâ ille hærens evacuatur, quod contingit in anasarca: Imo horum frequentiori uisu totum corpus aridum redditur, adeò ut hectica inde fuerit sæpè enata; quod etiam contingere potest in Cataractâ curandâ, in quâ humoris nutritii absuntio & defluentis ad oculum aversio requiritur, quô defectu humoris cognitô, spiritus insitus à sua intentione præternaturali desistere cogitur in exstruenda hac tunica, & ad exstructam removendam compellitur. Preprimis si in usum vocantur salino - oleosa volatilia, qualia sunt præ aliis spiritus bezoarticus Bussi genuinus, spiritus Grugneri, spiritus vitæ noster ex succino & fuligine, spiritus salis armoniaci sassafratus, castoreatus: quô ultimô unicô tunica illa in oculo enata sive adhuc frustulata sive totam pupillam oculi tegens sæpe fuit sublata. Nam mirandam energiam in Cataracta curanda exhibuerint tinctura antimonii vera & auri testantur philosophi, quibus illitis aut in oculum instillatis, omnia vitia oculorum tolli posse perhibent, nam hæc sunt quasi specula lucentia, in quibus facile labem suam spiritus cognoscere illamque postea commodius delere & oculum sanum reddere potest.

§. XVIII.

Pari jure & illa evacuantia particularia vulgo dicta hic non sunt omittenda, uti sunt sternutoria apophlegmatizantia, masticatoria, vnguatoria, scarificationes fonticuli setacea V. s. convenienti loco & tempore applicata; quæ omnia avertunt humorē nutritium superfluum, quæ defectu

defectus in oculo affecto sentiatur & spiritus revocetur
a suo errore, istamque tunicam iterum tollat adhuc
nondum maturatam. Eine quicquam omittatur in hac
curatione: *topica externe* simul sunt applicanda ex her-
bis ophthalmicis, quo inde fatus & Collyria fiant & calidè
applicentur: imprimis hæc præparantur ex ▽ chelido-
niæ evphrasiaæ, ruthæ & missis aliis, ex aloë myrrha
camphora, , g̃io dulc. croco metallorum, imò addi-
tis *idealibus*, qualis est eſſ. fellis humani aut viperarum,
quæ terrorem simul injiciunt, quo magis inde desistat
spiritus errabundus & peregrinum hospitem dissipet: talia
enim *idealia* hic multum præstant, quale erat illud opera-
toris cuiusdam in Cataracta tollenda arcanum, quod con-
trabat ex usnea cranij humani, ipso cruento, margaritis &
ex uviis serpentum subtilissime pulverisatis, quod quoti-
die inflabat in ipsum oculum affectum, quo usque Cata-
racta fuerit sublata. Nam *idealia* in excrescentiis omni-
bus instar incantamenti valent, quæ subito & ferè insen-
sibiliter ab his tolluntur, quæ etiam in polypo narium
verrucis, strumis, longò usu comprobata sunt & multis
encomiis mactantur ab Helm. Marc. Marci à Cronland.,
qui hujus farinæ innumera eſſ. bent medicamenta.

§. XIX.

Diæta interim accurata erit servanda, ne seducatur oculi
spiritus insitus a superfluo humore nutritio in generanda
ali tunica, sed instigetur potius ad generatam tollendam.
Hinc omnia sunt svadenda, quæ parcus præbent nutri-
mentum, istudque subtilisando ineptum reddunt ad assi-
nilandum sed potius compellant ad dissipandum: sunt A-
ridus, cibus & potus volatiles, Λοfi, saliti & aroma-
ibus conditi, motus corporis frequens, vigiliæ, ipsa ira:
contra vitanda ea, quæ humorem abundantem reddunt
nutritum istumque roscidum facileque assimilabilem.

Qui-

§. XX.

Quibus omnibus observatis, & frustra tamen adhibiti nihil restat, si matura Cataracta existit, quam acus, in qua applicanda requiritur expertus Operator, structu ram oculi benè cognitam habens, ipsumque locum, in quem acus terebrando est infigenda, & versus corneam declinanda, ne humores oculi lədantur: Potius ipsa pellicula integra deorsum deprimenda, ne in partes dehiscat aut resurgat; alias frustraneus omnis erit labor, & visu magis abolebitur quam restituetur. Et quo felicior successus operatoris evadat atque prosperior, immunis quoque debet esse patiens ab omni dolore capitis & oculorum aliisque morbis.

§. XXI.

Et hæc sunt quæ ob temporis & chartæ angustiam in Cataracta cognoscendâ, evolvenda & curanda communicare, nobis placuit: quod si forte in hac dissertatione non omnia omnibus sapient, tum in multis ab aliorū sententia digressi sumus, libertate philosophicâ utentes; speramus tamen, B. L. ea, quæ in difficiili hac materia minus accuratè discussa sunt, in meliorem partem esse interpretaturum. Tibi interim æternum Numen pro hucusque concessis viribus sit Laus, Honor & Gloria sempiterna.

F I N I S.

